

2014 Í Í Û ÀÆËÛÍ ÒÀÉÈÁÍ

Хууль тогтоомж, Ерөнхийлөгчийн зарлиг, Монгол улсын Засгийн газрын үйл ажиллагааны хөтөлбөр, Засгийн газрын тогтоол шийдвэр, үндэсний болон дэд хөтөлбөр, нутгийн удирдлагын шийдвэр, аймгийн Засаг даргын үйл ажиллагааны хөтөлбөр, аймгийн эдийн засаг нийгмийг хөгжүүлэх үндсэн чиглэл, аймгийн Засаг даргын захирамж, бодлого хөтөлбөр, төлөвлөгөөний хэрэгжилтэд хяналт шинжилгээ хийж, үнэлгээ өгөх замаар Засаг даргын үйл ажиллагааны хөтөлбөрийн биелэлтийн үр дүнг нэмэгдүүлэх, хэлтэс, харьяа байгууллагын үйл ажиллагааны үр дүнг үнэлэх, хүсэн хүлээсэн үр дүнд хүрэх, иргэдэд үзүүлэх төрийн үйлчилгээг сайжруулахад дэмжлэг үзүүлэхүйц цаг үеэ олсон чанартай мэдээлэл, бодлогын зөвлөмжөөр хангахад чиглэсэн үүргийнхээ хүрээнд дараах ажлуудыг хийж гүйцэтгэв.

Аймгийн Засаг даргын 2013 оны А/492, А/515 дугаар захирамжаар ажлын хэсэг байгуулж, удирдамж батлуулан 17 сум, 91 баг, 21 албан байгууллагын үйл ажиллагаанд хяналт-шинжилгээ, үнэлгээ хийж дүнг Засаг даргын зөвлөлийн хурлаар хэлэлцүүлэн байр эзлүүлж эхний 3 байранд орсон сум, баг, байгууллагуудыг тодруулан шагнуулав.

Дарви, Чандмань сумууд, Газрын харилцаа, барилга, хот байгуулалтын газар, Тээвэр, авто замын газар, Статистикийн хэлтэс, Байгаль орчны газар, Сум дундын ойн анги, Хүүхэд, гэр бүлийн хөгжлийн хэлтэс, Мянган угалзат, Ховд эрч хүч, Ховд суварга, Шим ус ОНӨУҮГ-уудын болон Бугат, Баатархайрхан, Буянт, Жаргалан, Рашаант өрхийн эрүүл мэндийн төвүүд, Жаргалант сумын ерөнхий боловсролын 12 жилийн сургуулиудын үйл ажиллагаа, сум, байгууллагуудын цахим хуудаст 2 удаа, “Нээлттэй хаалганы өдөр” буюу “Иргэдийн өдөр”-ийн эхний хагас жилийн тайланд хяналт-шинжилгээ, үнэлгээ хийж, арга зүйн зөвлөгөө өглөө. Өрхийн эрүүл мэндийн төвүүдийн үйл ажиллагаанд оршиж байгаа дутагдлуудыг засах, хуулиар заасан үүргийнхээ хүрээнд арга зүйн зөвлөгөө өгч хариу мэдэгдэх тухай албан тоотыг аймгийн Эрүүл мэндийн газарт хүргүүлэв. Аймгийн Засаг даргын үйл ажиллагааны хөтөлбөрөөс сумдад холбогдолтой заалтуудын хэрэгжилтэнд хяналт-шинжилгээ, үнэлгээ хийж Засаг даргын зөвлөлийн хуралд танилцуулав.

Аймгийн хэмжээгээр 56 хөтөлбөрийн 254 заалтыг хяналтанд авч сум, байгууллагуудаас ирүүлсэн хэрэгжилтийн тайланд Засгийн газрын 2013 оны 322 дугаар тогтоолын 9 дүгээр хавсралтын дагуу хяналт-шинжилгээ, үнэлгээ хийж холбогдох яамдад хүргүүлсэн. Үндэсний хөтөлбөрүүдийн хэрэгжилт 64,2 хувийн биелэлттэй байна.

Төрийн захиргааны байгууллагуудын үйлчилгээний чанар, хүртээмжийн талаар хэрэглэгчийн үнэлгээг Бүсийн сургалт судалгаа, мэдээллийн “Нийгмийн захиалга” төрийн бус байгууллагаар гүйцэтгүүллээ. Уг үнэлгээнд аймгийн 17 сум, иргэд хамгийн ихээр үйлчлүүлдэг эрүүл мэнд, боловсрол, хөдөлмөр, нийгмийн халамж, газрын харилцаа, батлан хамгаалах чиг үүрэгтэй байгууллагуудын үйл ажиллагааны талаар анкетийн болон фокус ярилцлага, түүвэрлэлтийн аргуудыг ашиглан аймгийн хөдөлмөрийн насны хүн амын 5

хүртэл хувийг хамруулав. Үнэлгээний тайланг Засаг даргын зөвлөлийн хурлаар хэлэлцүүлэн ХШҮ-ний тайлангийн хамт Засгийн газрын Хэрэг эрхлэх газарт хүргүүлсэн.

“Төрийн байгууллагын үйлчилгээний чанар, хүртээмжид хэрэглэгчийн үнэлгээ хийх төрийн бус байгууллагыг сонгон шалгаруулах журам” боловсруулан Аймгийн Засаг даргын 2014 оны А/595 дугаар захирамжаар батлуулав. Хяналт-шинжилгээ, үнэлгээний тайлан, Үндэсний хөтөлбөрүүдийн хэрэгжилтийн тайлангийн үр дүн, цаашид анхаарах асуудлуудаар зөвлөмж боловсруулан сум, байгууллагуудад хүргүүлэв.

2013 оны аймгийн Засаг даргын Төсвийн шууд захирагчтай байгуулсан үр дүнгийн гэрээ, Төсвийн ерөнхийлөн захирагч, аймгийн Засаг даргаас эрхлэх асуудлын хүрээний байгууллагуудын дарга нартай байгуулсан гэрээ, аймгийн Засаг даргаас сумын Засаг дарга нартай байгуулсан гэрээ, Аймгийн Засаг дарга Ерөнхий сайдтай байгуулсан хамтран ажиллах зарчмын хэрэгжилт, аймгийн Засаг дарга сумын Засаг дарга нартай байгуулсан хамтран ажиллах зарчмын хэрэгжилтэнд тус тус хяналт-шинжилгээ, үнэлгээ хийж тайланд тусгалаа.

Засгийн газрын 2009 оны 193 дугаар тогтоолын дагуу баруун бүсийн тэргүүний сум шалгаруулах болзлын дагуу Баян-Өлгий аймгийн Алтай, Увс аймгийн Бөхмөрөн, Завхан аймгийн Тэлмэн, Говь-Алтай аймгийн Баян-Уул, Ховд аймгийн Үенч сумдад ажиллаж, хамгийн өндөр оноо бүхий Үенч сумын материалыг Засгийн газрын Хэрэг Эрхлэх газарт хүргүүлснээр Үенч сум баруун бүсээс улсын тэргүүний сумаар шалгарч, Засгийн газрын “Хүндэт өргөмжлөл”, 100.000.000 төгрөгөөр шагнагдав.

Тайлангийн хугацаанд Улсын Их Хурлын 12, Засгийн газрын 45 тогтоол, 14 хуралдааны тэмдэглэл, Ерөнхий сайдын захирамж 1, 6 үндэсний хөтөлбөр, аймгийн Иргэдийн Төлөөлөгчдийн Хурлын тогтоол 10, иргэдийн Төлөөлөгчдийн Хурлын Тэргүүлэгчдийн тогтоол 116, хуралдааны найман тэмдэглэлийг хүлээн авч, удирдлагуудад танилцуулан холбогдох хэлтэс, албан байгууллага, сумдад хүргүүлэн хяналтанд авч, хэрэгжилтийн явцад хяналт тавьж ажиллав.

Улсын Их Хурлын 12 тогтоолын хэрэгжилт 89,2%, Ерөнхийлөгчийн 3 зарлигийн 6 заалтын хэрэгжилт 75%, Засгийн газрын 125 тогтоолын 222 зүйл заалтын хэрэгжилт 88,3%, хуралдааны 26 тэмдэглэлийн 41 заалтын хэрэгжилт 83,5%, 2 албан даалгаврын 3 заалт 83,3%, Ерөнхий сайдын 2 захирамжийн 3 заалт 76,7%, Үндэсний аюулгүй байдлын 2 зөвлөмж 95 хувьтай хэрэгжиж байна.

Монгол улсын Засгийн газрын үйл ажиллагааны хөтөлбөрөөс Ховд аймагт холбогдолтой хэрэгжүүлэх 98 зорилт 189 арга хэмжээг хяналтанд авч 61,8 хувьтай хэрэгжүүлсэн байна.

ХЯНАЛТ-ШИНЖИЛГЭЭ, ҮНЭЛГЭЭНИЙ ӨАÑÀÃ